

**KJKP "RAD" d.o.o. SARAJEVO
-DIREKTOR-**

**Broj: 05-03-04- /18
Sarajevo, 16.07.2018. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

ODLUKU

o nabavci proizvoda od polimernog betona za linijsku odvodnju – LOT 3

I

Kao najpovoljnijeg ponuđača za nabavku proizvoda od polimernog betona za linijsku odvodnju – LOT 3, odabiram ponudu ponuđača "ACO" d.o.o. Sarajevo.

II

Ovom Odlukom stavlja se van snage Odluka broj 05-03-04-9395/18 od 11.06.2018. godine.

OBRAZLOŽENJE

KJKP "RAD" je dana 08.02.2018. godine na portalu javnih nabavki BiH objavilo Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za nabavku ostalih građevinskih materijala, sa rokom dostave ponuda 27.03.2018. godine.

Po otvorenom postupku za nabavku proizvoda od polimernog betona za linijsku odvodnju pristigle su dvije (2) ponude i to ponude firmi „ACO“ d.o.o. Sarajevo i „REGENERACIJA“ d.o.o. Velika Kladuša

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je da su ponude gore navedenih ponuđača potpune i prihvatljive, u skladu sa zahtjevima iz Tenderske dokumentacije.

Obzirom da se radi o otvorenom postupku javne nabavke kojim je previđeno sklapanje Okvirnog sporazuma sa jednim ponuđačem a da je broj prihvatljivih ponuda veći od jedan (1), cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija te je provedena E-aukcija koja je bila predviđena Obavještenjem o nabavci. Nakon provođenja E-aukcije, tokom koje nije bilo podnošenja ponuda, utvrđena je konačna rang lista ponuđača a u skladu sa Izvještajem o toku i završetku E-aukcije. Komisija je, obzirom da je kriterij za dodjelu ugovora bio najniža cijena dala prijedlog Ugovornom organu da ponudu ponuđača „REGENERACIJA“ d.o.o. Velika Kladuša prihvati kao najpovoljniju, budući da je dostavio svu potrebnu dokumentaciju i ponudio ukupnu cijenu od 78.397,20 KM bez uračunatog PDV-a.

Ugovorni organ je u skladu sa prijedlogom Komisije donio Odluku broj 05-03-04-6103/18 dana 16.04.2018. godine kojom je kao najpovoljnija odabrana ponuda ponuđača "REGENERACIJA" d.o.o. Velika Kladuša.

Na Odluku broj i datum gornji, ponuđač "ACO" d.o.o. Sarajevo je izjavio žalbu dana 24.04.2018. godine, koja je u skladu sa članom 100. Zakona o javnim nabavkama BiH proslijeđena Uredu za razmatranje žalbi BiH. Ured za razmatranje žalbi BiH je dana 29.05.2018. godine donio Rješenje broj JN2-01-07-1-226-8/18 kojim usvaja žalbu ponuđača kao osnovanu te kojim poništava Odluku broj 05-03-04-6103/18 od 16.04.2018. godine te predmet vraća Ugovornom organu na ponovni postupak.

Komisija je, postupajući u skladu sa Rješenjem Ureda za razmatranje žalbi BiH, ponovo ocijenila pristigle ponude te utvrdila da je ponuda ponuđača „REGENERACIJA“ d.o.o. Velika Kladaša nepotpuna, budući da isti nije dostavio dokaze o kvalitetu materijala za sve tražene monolitne kanale od polimernog betona, kao i da nije priložio izvorni dokument atesta ili certifikata već samo prevod ovlaštenog sudskog tumača za isti, te je ponuda ovog ponuđača ocijenjena kao neprihvatljiva.

Obzirom da je drugorangirana ponuda ponuđača „ACO“ d.o.o. Sarajevo po rang listi ponuđača, te da je ista potpuna i prihvatljiva, Komisija je dala preporuku Ugovornom organu da ponudu ponuđača „ACO“ d.o.o. Sarajevo prihvati kao potpuno prihvatljivu budući da je dostavio svu potrebnu dokumentaciju te ponudio cijenu od 114.924,55 KM bez uračunatog PDV-a.

Ugovorni organ je u skladu sa prijedlogom Komisije donio Odluku broj 05-03-04-8426/18 dana 31.05.2018. godine kojom je kao najpovoljnija odabrana ponuda ponuđača „ACO“ d.o.o. Sarajevo.

Na Odluku broj i datum gornji, ponuđač „REGENERACIJA“ d.o.o. Velika Kladaša je izjavio žalbu dana 08.06.2018. godine.

Žalitelj „REGENERACIJA“ d.o.o. Velika Kladaša u svojoj žalbi navodi da je nakon izvršenog uvida u ponudu ponuđača „ACO“ d.o.o. Sarajevo utvrdio da je ista nepotpuna budući da ponuđač u ponudi nije dostavio originalnu atestnu dokumentaciju nego kopiju atestne dokumentacije koja je prevedena ali nije ovjerena od strane ovlaštenog sudskog tumača na jedan od službenih jezika BiH, a što je u suprotnosti sa tačkom 22. Tenderske dokumentacije.

Nakon uvida u navode iz žalbe, od strane Ugovornog organa utvrđeno je da su navodi u žalbi osnovani te je u skladu sa članom 100. stav (3) Ugovorni organ donio Odluku broj 05-03-04-9395/18 dana 11.06.2018. godine kojom poništava postupak javne nabavke u dijelu koji se odnosi na LOT 3 – Nabavka proizvoda od polimernog betona za linijsku odvodnju.

Na navedenu Odluku ponuđač „ACO“ d.o.o. Sarajevo je izjavio žalbu dana 20.06.2018. godine, u kojoj navodi da ponuda koju je dostavio ispunjava sve zahtjeve Tenderske dokumentacije budući da je dostavio izvornu dokumentaciju o usklađenosti te da za nju nije potreban prevod ovlaštenog sudskog tumača. Dalje navodi da ACO grupacija izdaje Dokumente o usklađenosti originalno na svim jezicima EU pa tako i na hrvatskom jeziku te navodi službene linkove na kojima se isto može provjeriti. Komisija za nabavku, provjerom ovih žalbenih navoda je utvrdila da su isti neosnovani, budući da ponuđač nije dostavio original Dokumentacije o usklađenosti, koji je preveden na hrvatski jezika kao I da prevod nije izvršen od strane ovlaštenog sudskog tumača. Dalje, provjerom navedenih službenih linkova, na kojima se prema navodima žalitelja, nalaze certifikati, utvrđeno je da isti ne postoje te je stoga I ovaj žalbeni navod neosnovan.

Nakon uvida u navode iz žalbe, od strane Ugovornog organa utvrđeno je da su navodi u žalbi neosnovani te u skladu sa članom 100. Zakona o javnim nabavkama BiH istu prosljedio Uredu za razmatranje žalbi BiH na razmatranje, budući da je ista blagovremena, dopuštena i izjavljena od strane ovlaštenog lica.

Ured za razmatranje žalbi je, rješavajući po žalbi po ponuđača „ACO“ c.o.o., donio je Rješenje broj: JN2-01-07-1-368-9/18 dana 12.07.2018. godine kojim uvažava žalbu broj 058/18 od 20.06.2018. godine te poništava Odluku broj 05-03-04-9395/18 od 11.06.2018. godine i predmet vratio prvostepenom organu na ponovni postupak.

Naime, Ured za razmatranje žalbi BiH je utvrdio da je atestna dokumentacija koju je dostavio "ACO" d.o.o. Sarajevo prihvatljiva te da nije u suprotnosti sa zahtjevima Tenderske dokumentacije Ugovornog organa, te da Ugovorni organ ponudu ponuđača "ACO" d.o.o. Sarajevo treba prihvatiti kao prihvatljivu.

Komisija, u skladu sa Rješenjem Ureda za razmatranje žalbi BiH, daje preporuku Ugovornog organu da kao najpovoljniju odabere ponudu ponuđača „ACO“ d.o.o. Sarajevo koji je ponudio cijenu od 114.924,55 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

**DIREKTOR KJKP „RAD“
Selim Babić dipl.ing.građ.**

DOSTAVITI:

- Ponuđačima;
- a/a